

“Sam Nyied Sam” Geiqniemh Daeggvei

三月三纪念阿贵

□ Ouhyangz Veiyez / 欧阳慧月

Liggaeuq “sam nyied sam” dwg “ciet hawfwen” Cingsih yienhsingz caeuq gwnzgai gaglingh aen yanghcin, gyoengqde cingmingz sauqmoh, “sam nyied sam” couhwdg “ciet sauqmoh” lajmbanj Cingsih Si, ngoenzneix ranzranz cungj naengi haeuxnaengi haj saek, nyumx gyaeq hoengz gyaeq maeq, angq gvaq ngoenzciet. Ndaw-biengz seizneix lij cienznaeuz aen gojgaeq cienzeiz ndeu.

Gaxgonq, Cingsih miz boubouxbuengh ndeu heuhguh Daeggvei, de youq lajfwngz vuengzdaeidoj guh cwngzsieng. De coengmingz youh maenh’ak, mbouj lau giengzgiengz, haengj bang yinzminz gejnanz.

Bi ndeu mbwn rengx youqgaenj, beksingq mbouj miz haeux sou, saedceij gvaq ndaej gig hoj. Daeggvei gvih cingj vuengzdaeidoj mienx bek-singq gyau vuengzliengz. Vuengz-daeidoj fouznaih cij ndaej doengzeiq, hoeng de haemz Daeggvei yaek dai, ciengz ra saeh yaek cawz Daeggvei bae.

Ngoenz ndeu, vuengzdaeidoj heuh Daeggvei daeuj, buenq hai da naeuz: “Gou cingq laeb aen bam he, mbouj miz vax, dingq naeuz naengvunz Cingsih baenz guh vax, gou heuh mwngz youq 60 ngoenz ndawde au 900 mbaw naengvunz daeuj guh vax, banh mbouj daengz couh yiemzleih dwk fad mwngz.” Daeggvei

dap naeuz: “Ndei ha.” 59 ngoenz gvaqbae lo, Daeggvei cungj mbouj miz saek di doenghdanh. Geizhanh daengz le, Daeggvei couh comz 900 bousai, hawj gyoengqde cungj dawz gijgwn daeuj daengz laj vuengzsiengz, naengh youq naj bakdou singz cawj gwn. Gyoengqde gwn laeuj gwn raemxdang lwgmanh le, bouboubou hanh dumz gyaauj. Vuengzdaeidoj ganj daengz le, Daeggvei naeuz: “Huq gaeng soengq daeuj lo, hoeng gij naeng neix cungj roh raemx, mbouj baenz yungh.” Vuengzdaeidoj baez yawj, bouboubou naengnoh cungj dwg mbaeqmbatmbat, caemhcaiq miz heiqhaeu coemj ndaeng vunz dem, vuengzdaeidoj goemq ndaeng nyaueq bwnda doiqlaeng geij yamq le couh bae’ngwtngwt lo.

Yaek daengz cingmingz le, vuengzdaeidoj youh heuh Daeggvei daeuj daengz dangqnaj naeuz: “Ciet cingmingz yaek au aen gyauejmou ndeu, lumj aen bya baihlaeng aen gungdienh haenx baenzneix hung daeuj caeq cojcoeng, 30 ngoenz ndawde mwngz au dawz okdaeuj, mboujnex yiemzleih dwk fad mwngz.” Daeggvei riu naeuz: “Ndei ba.” 30 ngoenz gvaqbae lo, Daeggvei lijdwg mbouj miz maz doenghdanh. Geizhanh daengz le, vuengzdaeidoj baij bing daeuj gaeb Daeggvei, Daeggvei gwed


ganj caengh hung ndeu caeuq gyoengq bing itheij bae raen vuengzdaeidoj. De naeuz: “Vuengzdaeidoj, Mbanjcuengh miz haujlai gyaauj mou beij goengqbya lij hung, cingj mwngz sien caengh goengq bya neix miz geijlai naek, gou caiq bae au gyauejmou caeuq goengq bya neix ityiengh naek haenx daeuj hawj mwngz.” Vuengzdaeidoj baez dingq Daeggvei baenzneix gangj, ngoemxngwd lo.

Couhcinj dwg yienghneix, vuengzdaeidoj lijdwg gietdingh au cawz Daeggvei bae, de youh siengj aen geiqdoeg ndeu okdaeuj. De heuh Daeggvei daeuj daengz dangqnaj naeuz: “Daeggvei, caiq gvaq ndwen he Vuengzhouq couh yaek naenghndwen lo, dingqnaeuz gyaeq gaeqboux gig miz yingzyangj, mwngz 20 ngoenz ndawde dawz 490 aen gyaeq gaeqboux daeuj, mboujnex couh hawj mwngz dai.” Daeggvei dapwngq lo. Geizhanh gvaq le, vuengzdaeidoj baij bing bae gaeb Daeggvei, Daeggvei lienzmuenz doiq gyoengq bing naeuz: “Caen dwg doiq mbouj hwnj, gou cingq naenghndwen, ciuq gvigawj, gou au caetcaet seiqcib gouj ngoenz le cij ndaej ok dou, daengz seizhaenx gou couh dawz gyaeq gaeqboux soengq bae hawj vuengzdaeidoj.” Bouboubaenz gyoengq bing hat naeuz: “Lajmbwn bousai baenzlawz rox seng lwg ne?”

“Bousai mbouj rox seng lwg, gaeqboux youh baenzlawz rox ok gyaeq la?”

Daeggvei swnh raemx cau huz naeuz, bouboubaenz gyoengq bing mbouj miz vah gangj lo, cijndei baema bauq hawj vuengzdaeidoj. Vuengzdaeidoj gig ndatheiq, roengzlingh bae gaeb Daeggvei. Ngoenzhaenx dwg liggaeuq sam nyied cosam, beksingq rox le, yo Daeggvei youq ndaw ndoeng faexrau gwnz goengq bya he. Gyoengq bing hwnj bya bae saeuj, ra mbouj ndaej Daeggvei, couh humx goengq bya haenx hwnjdaeuj. Vuengzdaeidoj au Daeggvei dai de cij gamsim, doek-laeng couh roengzlingh diemj feiz coemh bya. Vuengzdaeidoj caeuq gyoengq bing baez byaij, beksingq cij youq cong h gofaexrau ra raen seihaiz Daeggvei, caezgya raemxda lae hoemq seihaiz Daeggvei caez. Bilaeng, gwnz moh Daeggvei hwnj miz baenz go baenz go gofaexrau daeuj.

Vihliux geiqniemh Daeggvei, gyoengqvunz youq henz moh Daeggvei laeb aen miuh ndeu. Moix daengz ciet cingmingz roxnaeuz sam nyied sam, gyoengqvunz couh dawz haeuxnaengi haj saek, laeuj, nohgaeq, nohmou, yieng, saceij doengh gij doxgaiq neix bae caeq Daeggvei, lij youq henz miuh eufwen danq dem, fungsug neix hix ndaej cienz roengzdaeuj lo.



Hawceih miz boubouxbuengh singq Lij ndeu, bineix 40 lai bi lo, gen hung ga mbwk. Yah de dwg vunz Huznanz, boubouvunz gig naen. Daeglij 20 lai bi couh gaen saefouh hag rox dajdz lo.

Bihaenx, Daeglij gvanbaz ngamq hag rox dajdz. Miz ngoenz haw he, Daeglij gvanbaz dawz huq diet bae gwnz haw gai, ngamq baij ndei, couh miz song vunz gaxgonq caeuq de cawx liemz gvak baema yungh dauq vuenh au gijmoq, ndawde miz boubouxbuengh he yiemz Daeglij naeuz: “Mwngz nienzgeij caengz laux, sien nyinhcaen hag dajdz. Diz caxliemz mbouj ndei, couh mbouj yungh dwgrengz dawz daeuj baij.” Lingh boubouxbuengh naeuz: “Daeglij diz gvakding, ngauegvak gvak mbouj haeuj, naengh dawz bae gvak daeuh, dauq haeuj seiq haj conq.” Daeglij saeknaj heu naeuz: “Siengj mbang baenz mbawceij? Siengj raeh baenz daeqdau? Ciengx mou cing bienq lauz, gou lau hix mbouj ndaej.” Gyoengqvunz youq henz dingq le, cungj riu hwnjdaeuj. Hoeng, Daeglij gangj dwg baenzneix gangj, hix hawj

song vunz neix vuenh gaiq moq dauqbae lo.

De rox dinfwngz dajdiet swheij lij au laebdaeb bae daezsang cij baenz, danghnaeuz lij lumj ngoenzneix couh mbouj yungh baengh gai huq diet de diz gvaq saedceij lo.

Daj seizhaenx hwnj, de caeuq yah de ciengz bae cam saefouh, nyinhcaen lienh dinfwngz dajdz. Ngoenznaengz, fwngz swix de baez daj ndaw loz nep diet ndongq okdaeuj dwk youq gwnz demhdiet, fwngz gvaz couh gingz fagcuiz diz roengzbae. Doengzseiz, yah de hix gig vaiq dwk yaengx hwnj cuiz hung yunghrengz caeuq de itheij diz hwnjdaeuj. Ndaw ranz de sikhaek miz sing “dikdak——dikdak——” lumj singgo nei hongz hwnjdaeuj. Daeglij doq diz doq fan diet ndongq. Yaep he, de youq gwnz demhdiet roq mbat he, yah de couh dingz cuiz lo. Daeglij dwk diet ndaw loz bae, fwngz gvaz couh bengq fungluz hwnjdaeuj, aenluz youh “fizfoz——fizfoz——” ciengq go lo. Seizhaenx, Gvanbaz gwnz najbyak hanh conh liux, naj hoengzgyoengq,



Gyoengq mehbaj dwk youzcas.

gennou Daeglij engqgya gawh lo. Yah de naengh youq henz yietnaiq, uet hanh……

Gij huq diet Daeglij ginggvaq baenzneix ciencuiz baklien liux, gig ndei yungh, ndigah gig ndei gai. Couh yienghneix, saedceij Daeglij gvanbaz ngoenz doek ngoenz gvaq ndaej ndei, daengz seizneix hix miz cibgeij bi lo.

Bineix, miz ngoenz haw he, Daeglij caeuq yah de bae gwnz haw gai huq diet, ngamq baij ndei huq diet, couh miz geij boubouxbuengh vunz ndwen gonq caeuq de cawx gij huq diet haenx dauqdaej heuh de gvaq raemx.

Gyoengqde caez sing ciengq naeuz:

“Daeglij gvanbaz ha,

Sou huq diet caen raeh,
Danhseih byot youh mbang,
Muengh lai dwk di gang,
Mbang vunz daeuj cawx dem.”
Daeglij gvanbaz hix caez sing heu

dap:

“Fagliemz yungh geij bi,
Dou lij gwn gijmaz?
Muz 4 youh muz 5,
Gang yungh gvaq couh feiq.”
Gyoengqvunz dingq le gig geizheih, danq gaemz heiq ndeu, miz boubouxbuengh naeuz: “Baenzneix gangj, miz haujlai vunz caeuq bouboudajdz doxdoengz bw! Gvaiqndaej seizneix doxgaiq moq cungj mbouj ndaej nai hix yungh nai hix dawz. Hei……”